

**Umiartorneq pillugu inatsimmik allannguinerit pillugit inatsisit aamma
pappialanik nalilinnik atortussaajunnaarsitsinnermut inatsisip Kalaallit
Nunaannut atuutilersinnerinut peqqussut**

Umiartorneq pillugu inatsimmik allannguneq aamma inatsisit assigiinngitsut allat (Aalisarnermi piginnaatitaaffinni qarasaasiakkut umiarsuarnik nalunaarsuineq, pant-i, akiliussisarneq il.il., annaassiniartut akissarsiaannik agguataarineq aamma umiarsuit angerlarsimaffii) pillugit inatsimmi nr. 526, 7. juni 2006-imeersumi § 6, imm. 2, 1. imm., umiartortut atorfinitsinneqartarnerini pissutsit il.il. pillugit inatsit, imaani angalanermi isumannaallisaaneq pillugu inatsit aamma inatsisit assigiinngitsut allat (atorfinitsitsinnermi pissutsinik umiarsuaatileqatigiiffimmiit naammassininngitsuuinnermi umiartortut aningaasatigut inissisimanerannik isumannaallisaaneq, imaani sanaartornernik sukumiinerusumik isumannaallisaaneq, umiarnarlukunik piiaanermut atatillugu isumannaallisaaneq, aqqartartoqarnermik misissuiviginnittarnermik naammassiuminarsaaneq il.il.) pillugit inatsimmi nr. 400, 2. maj 2016-imeersumi § 7, imm. 2, umiartorneq pillugu inatsimmik allannguneq aamma imaani isumannaallisaaneq pillugu inatsit (umiarnarlukunik piiaanermi akisussaaffimmik killiliinnermut akia, umiarsuarnik nalunaarsuineq pillugu nunani tamalaani pillaatissiinernik naammassinninneq, namminersortunik umiarsualiveqarnernut akitsuutit il.il.) pillugit inatsimmi nr. 1546, 19. december 2017-imeersumi § 4, stk. 2, umiartorneq pillugu inatsimmik allannguneq aamma eqqartuussivikkoortumik nalunaarsuinnermut akitsuut pillugu inatsit (umiarsuit qallunaat erfalasuata ataaniitilernissaannut nunani allamiut piginnittut periarfissaat pillugit maleruagassanik aaqqiineq erseqqissaanerlu, aamma akunnattumik angissusilinnik sunngiffimmi angallatinik nalunaarsuineq piuminarsagaq) pillugit inatsimmi nr. 1548, 19. december 2017-imeersumi § 5, imm. 2, umiartorneq pillugu inatsimmik aamma Handelsflåens Velfærdsråd pillugu inatsit (Handelsflådens Velfærdsråd-ip aamma Søfartens Arbejdsmiljøråd-ip kattunneqarneri aamma inuussutissarsiutigalugu angallatinut mikinerusunut akiliutit ukiumoortut aaqqinneqarneri) pillugit inatsimmi nr. 139, 28. februar 2018-imeersumi § 5, aamma umiartorneq pillugu inatsimmik allannguinerit aamma pappialanik nalilinnik atortussaajunnaarsitsinnermut inatsit (Qarasaasiakkut umiarsuarnik nalunaarsuineq) pillugit inatsimmi nr. 205, 5. marts 2019-imeersumi § 4 naapertorlugit aalajangiunneqarpoq:

§ 1-i

Peqqussummut nalunaarut nr. 827, 15. august 2019-imeersoq naapertorlugu kunngip peqqussutaatigut Kalaallit Nunaannut atuutilersinneqartukkut, umiartorneq pillugu inatsimmi, tulliuttut allannguutit suliarineqarput:

1. § 2, *imm. 1*, imatut allanneqassaaq:

»§ 1-i naapertorlugu qallunaajusutut isigisaanngitsunut umiarsuarnut niuffagiutinut, qallunaat umiarsuaattut nalunaarsorneqarnermut piumasaqaatit pillugit, ilaatillugit suliat suut Danmark-imi suliarineqarnissaat pillugit maleruagassanik, erhvervsminister-i aalajangersaasinnaavoq. Erhvervsministeri aammattaaq, misissuinissaq assigisaallu siunertaralugit saaffigineqarsinnaasussamik, piginnittuusorlu imaluunniit umiarsuaatileqatigiit sinnerlugit eqqartuussisulersuunneqarsinnaasussamik suleqatigiissitamik, piginnittup Danmark-imi toqqaanissaa pillugu maleruagassanik aalajangersaasinnaavoq.«

2. § 3, *imm. 2-miit*, »umiarsuarmitinneqassaaq aamma« peerneqarpoq.

3. *Kapitali 2*-mut qulequtaq aamma § 10 sioqqullugu qulequtaq peerneqarput, taarsiullugulu ikkunneqarpoq:

»Matrikulering« »Sinaakkusersuineq« (angallatit suussusaannik angissusaannik sumiuussusiannillu nalunaarsuineq (nutserisumit)).

4. § 10, *stk. 2*-mi, 2. *imm.*-tutut ikkunneqarpoq:

»Taamaattoq tamanna sunngiffimmi angallatinut atuutinngilaq. «

5. § 10, *imm. 3*-mi, 2. *imm.*-tutut ikkunneqarpoq:

»Taamaattoq umiarsuaq sunngiffimmi atornissaa siunertaralugu sananeqarnera ingerlanneqarpat, minnerpaamillu 20 bruttotonnage-qarnissaa naatsorsuutigineqarluni, umiarsualiornermut nalunaarsuivimmut allanneqarsinnaavoq. «

6. § 11-ip kingorna ikkunneqarpoq:

»§ 11 a. Umiarsuit, killilersuineramik pineqaatissiissutitut ilaatinneqartut, imaluunniit Naalagaaffinnit Peqatigiinnit imaluunniit Europamiut Kattuffiannit aalajangigaasunik killilersuineramik pineqaatissiissutitut ilaatinneqartunit inunnit imaluunniit peqatigiiffiusinnaasunit, suliffeqarfiusinnaasunit pisortaqarfiusinnaasuniilluunniit pigineqartut, qallunaat umiarsuarnik nalunaarsuiviannut allanneqarsinnaassannginneri pillugit umiarsuarnik nalunaarsuisoq aalajangiisinnaavoq. «

7. § 12, imm. 4, 1. imm.-tumi, »§ 15, imm. 3, aamma §§ 22-39« allanngortinneqarpoq imaalillugu: »§ 15, imm. 3, 1. imm., aamma §§ 22-39, 45 aamma 46«.

8. § 13, imm. 1-imi, », 20-mik minnerusumik bruttotonnage-llit sunngiffimi angallatit ilanngunnagit,« peerneqarpoq.

9. § 15 a, imm. 2 aamma 3-mi, »kr.« -ip: kingorna ikkunneqarpoq », taamaattoq tak. imm. 10.«

10. § 15 a, imm. 5-imi, »imm. 2-4«-ip kingorna ikkunneqarpoq: »aamma 10«.

11. I § 15 a, imm. 7 aamma 8-mi, »imm. 1-6«-ip kingorna ikkunneqarpoq: »aamma 10«.

12. § 15 a-mi imm. 10-tut ikkunneqarpoq:

»Imm. 10. Umiarsuarnut niuffagiutitut aamma umiarsuarnut aalisariutitut 30-t inorlugit bruttotonnage-linnut ukiumoortumik akitsuut 300 kr.-iuvoq.«

13. § 17-ip kingorna ikkunneqarpoq:

»§ 17 a. Umiarsuaq, killilersuineramik pineqaatissiissutitut ilaatinneqarpat, imaluunniit Naalagaaffinnit Peqatigiinnit imaluunniit Europamiut Kattuffiannit aalajangigaasunik killilersuineramik pineqaatissiissutitut ilaatinneqartunit inunnit imaluunniit peqatigiiffiusinnaasunit, suliffeqarfiusinnaasunit pisortaqarfiusinnaasuniilluunniit pigineqarpat, taamaattoq tak. § 20, imm. 1-3, umiarsuarnik nalunaarsuisartoq umiarsuaq qallunaat umiarsuarnik nalunaarsuivianniit piiarumallugu aalajangersinnaavoq. Umiarsuaatileqatigiiffiup paasisutissaatai malillugit imaluunniit allatut naammassineqarsimappat, umiarsuaq nunami killilersuineramik pineqaatissiissutitut ilaatinneqartumi nalunaarsorneqassasoq, § 17, imm. 4 imaluunniit imm. 5, 1. imm. naapertorlugu umiarsuarnik nalunaarsuisartup umiarsuaq nalunaarsuivimmiit piiarumannngissinnaavaa.«

14. § 18-i imatut allanneqassaaq:

»§ 18. Umiarsuit nalunaarsuiviannut nalunaarutigineqarpat, umiarsuaq aalisariut imaluunniit umiarsuaq niuffagiut imaluunniit assigisaat, umiarsuit nalunaarsorfianni allassimasoq, 20-nik minnerusumik bruttotonnage-lik, inuussutissarsiornernut tunngasunut siunertanut atorunnaassasoq, umiarsuaq pant-itut, atugaanissamut piginnaatitaaffimmik imaluunniit piginnaatitaaffimmik allamik nalunaarsugaanngippat, umiarsuaq nalunaarsuivimmiit piarneqassaaq.

Imm. 2. Umiarsuaq pant-itut, atugaanissamut piginnaatitaaffimmik imaluunniit piginnaatitaaffimmik allamik nalunaarsugaappat, umiarsuarmi piginnaatitaaffinnut pioreersunut allanguutinik imaluunniit piginnaatitaaffinnik nutaanik nalunaarsuisoqarsinnaanngitsoq, tamanna quppernermut umiarsuup nalunaarsugaaffianut allanneqassaaq. Taamaattoq piiagaanerit, akiliggasaqarfigisamik allanguinerit, eqqartuussinernik nalunaarutitik tiguisartooq pillugu aalajangersakkamik allanguineq aamma akiliisinnaajunnaarneq pillugu paasissutissat imaluunniit eqqartuussisutigut imaluunniit nammineerluni kingorngussassanik agguaanerit imaluunniit pissutsit allat piginnittutut nalunaarsugaasup atuisinnaanermut piginnaatitaaffiinik killiliisut nalunaarsorneqarsinnaapput.

Imm. 3. Umiarsuup piginnittuata nalunaarutigippagu, umiarsuaq allamut tunniunneqartoq, piginnittoq nalunaarsugaasoq umiarsuarmik atuinissamut piginnaatitaajunnaartoq, umiarsuarnik nalunaarsuivimmi umiarsuup qupperneranut tamanna allanneqassaaq.

Imm. 4. Umiarsuit nalunaarsuiviannut nalunaarutigineqarpat, umiarsuaq inuussutissarsiornernut tunngatillugu atorneqaqqittussanngortoq, tamanna umiarsuarnut nalunaarsuivimmut allatsinneq pillugu nalunaarnermut naligiisinneqassaaq. Piginnaatitaaffiit nalunaarsuineq sioqqullugu pilersinneqartut, tamatumunnga maleruagassat atuuttut misissorneqarsimappata, peqataasut avataaniittumut atuuttuunertik attatiinnassavaat.

Imm. 5. Imm. 1-imi eqqaaneqartutut pisoqartillugu umiarsuarmiit ilisarnaatitut naqinnerit ikuttarlugit piarneqarsimaneri pillugit umiarsuit nalunaarsuiviannut piginnittup nalunaarut nassiutissavaa.

Imm. 6. Imm. 5-imi piumasaqaammiit umiarsuarnik nalunaarsuisartooq immikkut ittumik akuersisinnaavoq.«

15. § 19, imm. 2, imatut allanneqarpoq:

»Imm. 2. Nalunaarut uppernarsaatitik pisariaqartunik peqateqartinneqassaaq.«

16. § 20, imm. 3, 4. imm., atorunnaarsinneqarpoq.

17. §§ 28-miit 38-imut qulequtaq atorunnaarsinneqarpoq, taarsiullugulu ikkunneqarluni:

»Kapitali 2 a

Piginnaatitaaffinnik nalunaarsuineq

§ 27 a. Umiarsuit nalunaarsuivianni piginnittut piginnaatitaaffiit, pant-inut piginnaatitaaffiit allallu umiarsuit nalunaarsuivianni allassimasut umiarsuarnut piginnaatitaaffiit killillit kiisalu umiarsuarni taamaattuni pant-ilinnik qarasaasiakkut piginnittut pantebrev-nik underpantsæt-sinerit (tassa qularnaveeqqusiusaqaarluni taarsigassarsinermi allagartamik qularnaveeqqusius-sinerit) nalunaarsorneqassapput. Umiarsuit pillugit Søfartsstyrelsen-imi nalunaarsuinerit allat kapitali 2 a-2 c-mi aamma kapitel 2 e-mi aalajangersakkanut ilaatinneqanngillat.

Imm. 2. Piginnaatitaaffinnik imm. 1-imi eqqaaneqartunik Søfartsstyrelsen-ip sanaavini pappialani immersugassani imaluunniit qarasaasiakkut, qarasaasiakkut atsiornertalimmik nalunaaruteqarneq pisinnaavoq, taamaattoq tak. § 46 a, imm. 1, aamma § 46 b, imm. 1. Pantebrev-t isumaqatigiinniutaasinnaasut (Negotiable pantebrev) umiarsuarmik pant-eqaataasut § 46 a, imm. 1-i naapertorlugu Søfartsstyrelsen-i tamatumunnga maleruagassanik aalajangersaareersinnagu qarasaasiakkut nalunaarutigineqarsinnaanngillat.«

18. § 28-ip kingorna ikkunneqarpoq:

»§ 28 a. Tatigeqatigiilluni isumaqatigiissutiliarineqartunut aamma § 28, imm. 1-i naapertorlugu umiarsuarmut eqqartuussisulersuussinermut imaluunniit umiarsuaq pillugu isumaqatigiissutinut illersorniarlugit qarasaasiamiittuni ejerpantebrev-inut underpant-it nalunaarsorneqassapput.

Imm. 2. Imm. 1-i malillugu underpant-i aamma § 28, imm. 1-i malillugu isumaqatigiissut imaluunniit eqqartuussisulersuussineq, ejerpantebrev-imi imaluunniit ejerpantebrev-ip sinaakkutaata iluani, nalunaarsugaanngitsumik piginnaatitaaffimmik peersitsisinnaasusaaq, nammineq nalunaarsugaassaaq piginnittuulersorlu isumaqatigiissut malillugu tatigeqatigiinnermiissaaq.

Imm. 3. Qarasaasiami ejerpantebrev-imi underpant-imik nalunaarsukkamik pant-imik pigisalik eqqartuussisulersuussinermut aamma ejerpantebrev-ip sinaakkutaasa iluanni imaluunniit pantebrev-imi pant-imut piginnaatitaaffinni nalunaarsukkanut kingusinnerusunut

salliutinneqartumik aamma ejerpantebrev-imi qularnaveeqqutilimmik tatigeqatigiilluni, piginnaatitaaffiit kingusinnerusut pillugit nalunaarutip pant-imik piginnittumut apuunneqarnerinut piffissamut, akiitsunut tunngasut qularnaqqasut sivitsorsinnaavai.

Imm. 4. Pantebrev-i pillugu isumaqatigiissutinut, aamma eqqartuussisulersuussinernut atuuttuulersinniarlugu imm. 1-imi eqqaaneqartutut piginnaatitaaffinnik nuussinerit imaluunniit allatut tunniussinerit nalunaarsorneqassapput.«

19. § 29, imm. 2, imatut allanneqassaaq:

» *Imm. 2.* Pantebrev-i nalunaarsugaappat, § 46 a aamma § 46 b naapertorlugu qarasaasiakkut atuutilersinneqarsimangippat, pantebrev-imik tunniussinerimi nalunaarsuinissaq pisariaqanngilaq.«

20. § 31, imm. 1-imi, »umiarsuaq« kingoqqullugu ikkunneqarpoq: »imaluunniit ejerpantebrev-i umiarsuarmik pant-italik« aamma »umiarsuaq« kingorna: », taamaattoq tak. imm. 2 aamma 3.«

21. § 31-imi imm. 2-tut aamma 3-tut ikkunneqarput:

»*Imm. 2.* Akiliussinerimi, ilaatinnagit akiliussami pant-ilimmik pantebrev-i tunngavigalugu akiliussineq, aamma umiarsuarmik tigusarinninnermi, aamma umiarsuup pisiaritinneqarnerani imaluunniit naggataarutaasumik akiitsut akilerniarlugit tuniniaanermi tigusinerimi, umiarsuit nalunaarsuiviannut sapinngisamik piaartumik nalunaarsuinissamik akiliisitsiniaasarteq nalunaaruteqaqqusissaaq. Akiliisinnaajunnaartoqartillugu aamma pigisanik suliaqartartumit toqusut pigisaanik suliaqarnermi, pigisanik nakkutilliisarteq (kurator) imaluunniit pigisanik isumaginnittarteq (bobestyre) pigisanik agguaassisarnermut eqqartuussivimmut nalunaarutigineqarpat, nalunaarsukkamik pigisat umiarsuarmik ilaqartut, pigisanik agguaassisarnermut eqqartuussivik tamatuminnga umiarsuit nalunaarsuiviannut nalunaarsuinissamik nalunaaruteqaqqusissaaq.

Imm. 3. Aalajangiinerit allat, eqqartuussivimmit aalajangigaasut pillugit nalunaarutit, nalunaarsornissaanik eqqartuussivimmit nalunaarutigineqassasut Justitsminister-imik isumaqatigiinniareernerimi Søfartsstyrelsen-i aalajangiisinnaavoq.«

22. § 34, imm. 1-imi, 2. imm.-tut ikkunneqarpoq:

»Aammattaaq §§ 46 a-miit 46 d-mut naapertorlugit aalajangersakkanik, piumasagaatinik naammassinninngippat, allagaq itigartinneqassaaq.«

23. § 34-mi imm. 1-ip kingorna nutaatut ikkunneqarpoq:

»Imm. 2. Allakkap eqqunngitsuunera imaluunniit nalunaarsuivik malillugu piginnaatitaaffimmut attuumassuteqannginnera, imaluunniit annertunerusumik uppernarsaasersugassaanerata naatsorsuutigineqarnera pillugu Søfartsstyrelsen-ip nalunaarsuineq kinguartissinnaavaa.«

Imm. 2 aamma 3 tamatuma kingorna imm. 3 aamma 4-nngussapput.

24. § 35, imm. 2, 2. imm., imatut allanneqassaaq:

»Taamaattoq pantebrev-it qarasaasiakkut atuutilersitat, aamma Nunatta karsianut aamma naalagaaffimmit pilersinneqareersunut attartuisarfinnut pantebrev-it, umiarsuit nalunaarsuivianniit piginnaatitaasumit atsiortoqarneragut piiarneqarsinnaapput.«

25. § 36-mi imm. 1-ip kingorna nutaatut ikkunneqarpoq:

»Stk. 2. Qassinngorneranik nalunaaqutserlugu nalunaarutiginninnermut piffissamik aalajangersaanerit pillugit Søfartsstyrelsen-i maleruagassanik aalajangersaasinnaavoq. Taamaattoq, matuminnga saneqqutsisumik, allakkanut pappialanngorlugit tigusanut, nalunaarutiginninnermut piffissaq pillugu Søfartsstyrelsen-i maleruagassanik aalajangersaasinnaavoq.«

Imm. 2 aamma 3 tamatuma kingorna imm. 3 aamma 4-nngussapput.

26. § 36, imm. 2, imm. 3-nngortoq, imatut allanneqarpoq:

» Imm. 3. Allakkat, ataatsikkut nalunaarutigineqartut, nalunaarsuinermi assigiisitaasutut isigineqarput. Suminngaaneerfittut pissutsit erseqqarlukkaluartut apeqqutaatinnagu, allakkat nalunaarsorneqassapput, kisiannili, umiarsuit nalunaarsuivianniit piffissaliussamik aalajangersakkap iluani nalunaaruteqartuniit suminngaaneerfimmik pissutsinik erseqqissaasoqanngippat nalunaarutit piiqqinneqassallutik.«

27. § 36-ip kingorna ikkunneqarpoq:

»§ 36 a. Allakkamik qarasaasiakkut nalunaarsukkamik tunngavillit, ernianik aamma qarasaasiakkut pantebrev-inik isumaqatigiinniutigineqarsinnaasunik nalunaarsukkanik akilersukkanut akiliinerit, tatigeqatigiinnikkut suliarineqarunik, eqqartorneqartunik akiliutigineqartunik, taamaatitsitsinernik assigisaannillu tigusinissamut piginnaatitaasumut, atuuttumik pitinneqarsinnaapput.

Imm. 2. Qarasaasiamiittoq nalunaarsugaasoq isumaqatigiinniutigineqarsinnaasoq pantebrev-i, pigiligassatut pant-itulluunniit tunniunneqarpat, akiligassalik tatigeqatigiinnikkut pituttugaa-junnaarsitsisumik sunniutilimmik tunniussisumut erniat akiligassanngoqqasut akilersinnaavai.

Akilersukkanut, pantebrev-i nalunaarsugaasoq malillugu piffissami aalajangersimasumik inissitami akiligassamut taamatuttaaq ippoq.

§ 36 b. Qarasaasiamiittoq isumaqatigiinniutigineqarsinnaasoq pantebrevi imaluunniit qarasaasiamiittoq ejerpantebrev-imi underpanti nalunaarsugaasoq malillugu akiligassalik, pantebrevi imaluunniit underpantsætningeni taamaatissaguniuk taamaallaat akiitsoq akilissallugu pisussaaffeqarpoq.

§ 36 c. Qarasaasiamiittoq isumaqatigiinniutaasinnaasoq nalunaarsugaq pantebrevi malillugu akiligassalik, akilersukkanik akiliiffissaq ulloq kingulleq sioqqullugu akiliippat, ilaatillugit akilersukkat immikkut ittut, pantebrev-ip matumuuna appartinnissaa akiligassallip piumasarisinnaavaa. Qarasaasiami pantebrev-i malillugu aalajangersimasumik piffissaligaassussap akiliiffissap ulluata kingulliup kingorna akiligassalik akiliippat, akiligassalik immikkoortumik akiliinermut uppersaammik taamaallaat piumasaqarsinnaavoq.

Imm. 2. Akiligassaqarnermut pissutsit atuukkunnaarsimappata, akiligassallip pantebrev-ip atorunnaarsinnissaa piumasarisinnaavaa. Aliligassaqarnermut pissutsit isumaqatigiinnikkut, pisassat naatsorsuunnerisa nalunaarutiginerisigut, eqqartuussutikkut imaluunniit atorunnaarsitsinikkut allanngorpata, akiligassallip tamatuma nalunaarsorneqarnissaa piumasarisinnaavaa.«

28. § 37-imi imm. 2-p kingorna nutaatut ikkunneqarpoq:

» *Imm. 3.* Isumaqatigiinniutaasinnaasumik pantebrev-imi nalunaarsukkamik qarasaasiamiittumik pigisassatut imaluunniit pant-itut tunniussinermi aammattaaq § 37 a aamma § 37 b-miittut maleruagassat atuupput.«

Imm. 3 tamatuma kingorna *imm. 4*-nngorpoq.

29. § 37, *imm. 3-mi*, *imm. 4*-nngortumi, »*imm. 1* aamma 2« allanngorpoq: »*imm. 1-3*«-nngorluni.

30. § 37-ip kingorna ikkunneqarpoq:

»§ 37 a. Qarasaasiamiittoq pantebrev-i isumaqatigiinniutaasinnaasoq nalunaarsugaq, umiarsuit nalunaarsuiviat malillugu piginnaatitaasumit pigisassatut imaluunniit pant-itut tunniunneqarpat, piginnittunngortullu tatigeqatigiinnikkut tunniussineq nalunaarsuganngortillugu, piginnittunngortoq kunngip peqqussutaagut Kalaallit Nunaannut atuutilersinneqartukkat akiitsunut allagartat pillugit inatsimmi § 15, *imm. 1*-imi ilaatinneqartunik akiitsulimmiit akerlilinernik naapeqateqarsinnaangilaq.

Imm. 2. Kunngip peqqussutaatigut Kalaallit Nunaannut atuutilersukkat akiitsunut uppersaaitit

pillugit inatsimmi (gældsbrevslovens) § 16 malillugu akiitsullip tatigeqatigiilluni piginnittuulersumut akerliliisinnaanini piginnassavaa. Kunngip peqqussutaatigut Kalaallit Nunaannut atuutilersukkut akiitsunut uppernarsaatit pillugit inatsimmi (gældsbrevslovens) § 17 malillugu akiitsullip akerliliisinnaaneranut taamatut atuuppoq.

§ 37 b. Pantebrev-i isumaqatigiinniutaasinnaasoq nalunaarsugaasoq qarasaasiamiittoq, umiarsuit nalunaarsuiviat malillugu piginnaatitaasumit pigisassatut imaluunniit pant-itut tunniunneqareerpat aamma piginnittuulersup tatigeqatigiinnikkut piginnaatitaaffini nalunaarsuganngortereerpagu, umiarsuit nalunaarsuiviat malillugu piginnaatitaasimasup nammineersinnaanngitsuusimanera imaluunniit pantebrev-imik atuisinnaanissamut piginnaatitaaffimik amigaateqarsimanera, piginnittuulersup piginnaatitaaffianut akorngutaanngilaq.

§ 37 c. Pigisassatut imaluunniit pant-itut, qarasaasiamiittumik isumaqatigiinniutaasinnaasumik pantebrev-imik tunniussamik nalunaarsuganngortitsisimasunut, matussutissatut naatsorsuunneqarsinnaasumik akiitsulik pisassaqaarsimasoq aammalu matussusiussassatut naatsorsuussinissaq pitinneqanngippat akiitsulik tunniussinermi annaasaqassasoq piginnittuulersup nalusimanngippagu taamaallaat, akiitsulik tunniussisup pisasaanik naatsorsuussinissamut piunasaqaarsinnaavoq.

Imm. 2. Taamaattoq makkunanga pisunit akerliliinerit pillugit allamik maleruagassat malillugit allassimasoqanngippat, pisassat naatsorsuunneqarnissaannut periarfissat, pantebrev-imit pisassanut eqqartuussinermi pissutsit assinginik aallaaveqartut, tunniussisoqaraluartoq piginnarneqassapput.«

31. § 38-ip kingorna qulequtaq peerneqarpoq, taarsiullugulu ikkunneqarluni:

»Kapitali 2 b

Nalunaarsuinerimik suliaqarneq, allagartaqarneq piginnaatitsinerillu«.

32. § 39, *imm. 3, 2. imm.-mi*, », ilaatillugit aammattaq telefax-i aqputigalugu imaluunniit qarasaasiakkut ullorsiummut nuussukkanik allakkanik tigusineq pillugit nalunaarsuineq« peerneqarpoq.

33. § 39-p kingorna ikkunneqarpoq:

»§ **39 a.** Nalunaartut § 39 b malillugu allagartaqartut, umiarsuit nalunaarsuiviannut umiarsuarnut piginnaatitaaffiit pillugit nalunaartup qarasaasiakkut atsiorderminik pilikkanik allakkanik atuutilersitsisinnaapput nalunaarutiginnissinnaallutillu. Taamaattoq allakkioriaatsinut ataasiakkaanut imaluunniit sullissinernut il.il. Søfartsstyrelsen-ip allagartalersornerup annertussusia killilersinnaavaa.

Imm. 2. Qarasaasiakkut allagaq piginnaatitaaffimmik pineqartumik atuinissamut umiarsuit nalunaarsuiviat malillugu piginnaatitaasumeersuusoq imaluunniit piginnaatitaasup akuersineratigut atuutilersinneqartoq aamma qarasaasiami allakkami allassimasutut piginnaatitaasoq imminut pisussaatisimasooq, nalunaartup nakkutigissavaa. Nalunaartooq tamatuminnga nakkutiginnissimasooq nalunaarummi ersissaaq.

Imm. 3. Nalunaartup suliffeqarfiutaata nalunaartuunerata kingunerisaanik annaasaqartoqarpat qallunaat eqqartuuseriaasianni maleruagassat nalinginnaasut malillugit annaasaqartoq taarsii-vigitinnissamut pisinnaatitaaffeqarpoq.

Imm. 4. Allagaq, annaasaqarnermut pissutaasoq, imm. 1-i naapertorlugu nalunaartumit nalunaarutigineqarsimappat, annaasaqarnermut taarsiineq, § 46 naapertorlugu naalagaaffiup akilersimasaa, nalunaartumit taarserneqassasoq piumasarineqarsinnaavoq.

Imm. 5. Imm. 1-i naapertorlugu nalunaarsuinermit atatillugu nalunaarsuivik malillugu piginnaatitaaffimmut pineqartumut atuinissamut piginnaatitaasumut umiarsuanik nalunaarsuiviup nalunaarummik nassitsisarnissaa pillugu Søfartsstyrelsen-imit maleruagassanik aalajangersaasoqarsinnaavoq.

§ 39 b. Nalunaartartutut allagartaqarneq Søfartsstyrelsen-imit nalunaarutigineqassaaq.

Imm. 2. Allagartaqarneq makkununga nalunaarutigineqarsinnaavoq

- 1) suliffeqarfiit, kunngip peqqussutaatigut Kalaallit Nunaannut atuutilersinneqartukku aningaaseriveqarneq pillugu inatsimmi § 7 naapertorlugu, aningaaserivittut akuersissutaateqartut
- 2) inuit, Kalaallit Nunaannut eqqartuussisarneq pillugu inatsimmi § 72 naapertorlugu eqqartuussissuserisunngortitaasut.

Imm. 3. Aammattaaq, kiffaanngissuseqarluni pilersitsisinnaanermut piginnaatitaaffik aamma kiffaanngissuseqarluni kiffartuussinernik paarlaateqatigiinneq pillugit EF-imi isumaqatigiilluni aalajangersakkami maleruagassat naapertorlugit imm. 2-mi eqqartorneqartunik suussutsinik nunami

maani sulianik ingerlataqartunut, nalunaartartutut allagartaq inunnut aamma suliffeqarfinnut nalunaarutigineqarsinnaavoq (tunniunneqarsinnaavoq (nutserisumit)).

Imm. 4. Taanna nalunaartartutut allagartaqalerumalluni qinnuteqaateqartup, taamatut suliaqarniarnermini suliffiutiginiakkami aarlerinaatsuutinnissaagut akueriuminarsassavaa.

Imm. 5. § 39 a, imm. 3 aamma 4 naapertorlugit nalunaartartutut suliffiutigisami malitsigisaanik pilersinnaasunut, aningaasanik piumasagaatinut, qinnuteqartoq aarlerinaatsumik qularnaveeqquteqassaaq. Inatsiseqarnermi allami piumasagaatinik naammassinninnermigut qinnuteqartoq qularnaveeqqusiineq pillugu piumasagaatinik naammassinninnerarlugu Søfartsstyrelsen-i aalajangiisinnaavoq.

Imm. 6. Allagartamut piumasagaatit suut kattunneqarsinnaanersut, aamma atuuffiata sivissusissaa aamma suussusaa, qularnaveeqqusiinerup annertussusaa pillugu, allagartartaarnissamut piumasagaatit pillugit aamma nalunaartartutut allagartartaarniarneq pillugu qinnuteqaatip ilusilersornera aamma imarisai pillugit Søfartsstyrelsen-i sukumiinerusunik maleruagassanik aalajangersaassaaq.

Imm. 7. Nalunaartartutut allagartaq imm. 2-mi aamma 3-mi eqqaaneqartunit allanut inunnut, imm. 4 aamma 5-imi piumasagaatinik naammassinnittunut nalunaarutigineqarsinnaavoq (tunniunneqarsinnaavoq), aammalu imaattunut

- 1) inersimasunut, imaluunniit kunngip peqqussutaagut Kalaallit Nunaannut atuutilersinneqartukkut nammineersinnaatitaanermik inatsimmi § 28 malillugu nakkutigineqartariaqarnermik pisariqartitsinngitsunut, imaluunniit kunngip peqqussutaagut Kalaallit Nunaannut atuutilersinneqartukkut nammineersinnaatitaanermik inatsimmi § 53 malillugu ikiortariaqarnermik pisariqartitsisuunngitsunut,
- 2) akiliisinnaajunnaarnermik nalunaaruteqarsimanngitsunut imaluunniit akiliisinnaajunnaaqqajaanngitsunut,
- 3) pisortanut malunnaatilimmik akiitsutoqaqanngitsunut, ima paasillugu 50.000 kr.-nik taannalu qaangerlugu akiitsoqanngitsunut, aamma
- 4) nalunaartartutut allagartalittut atorfirmik atornerluinissamut qanittumik ernumanaateqarneranut pissutissaqartunut pillarneqaatissiissutaasartunik pissutsinik eqqartuussaasimanngitsunut.

Imm. 8. Nalunaartartutut allagartaq imm. 2-mi aamma 3-mi eqqaaneqartut pissutsit saniatigut, Erhvervsstyrelsen-imi (Inuusutissarsiornermut Aqutsisoqarfimmi) nalunaarsoqqasunut, aamma imm. 4-mi aamma 5-mi piumasagaatinik naammassinnittunut piginneqatigiiffinnut aktieselskab-inut aamma anpartselskab-inut nalunaarutigineqarsinnaavoq (tunniunneqarsinnaavoq

(nutserisumit)). Aammattaaq direktør-it siulersuisunullu ilaasortat amerlanersaasa imm. 7, nr. 1-imi piumasagaatinik naammassinnissimanissaat allagartamik nalunaaruteqarnissamut, aamma direktør-it siulersuisunullu ilaasortat tamarmik imm. 7, nr. 2-4 piumasagaatinik naammassinnissasut piumasagaataavoq. Piumasagaatit tamakku tunulequtaralugit allanut piginneqatigiiffinnut, peqatigiiffinnut, aningaasaateqarfinnut assigisaannullu maani nunami angerlarsimaffeqartunut allagartaq nalunaarutigineqarsinnaavoq.

Imm. 9. Direktion-imi imaluunniit siulersuisuni nutaanik ilaasortaqaalerpat, piginneqatigiiffimmit il.il. ullut 14-it qaangiutsinnagit, tamatuma kingunerisaanik allagartaq atuutiinnassanersoq aalajangiisussamut, umiarsuit nalunaarsuiviannut tamanna nalunaarutigineqassaaq.

Imm. 10. Inuit piginneqatigiiffinnut il.il. oqartussaassuseqartut imm. 7, nr. 4-mi piumasagaatit naammassippatigit, allagartaq taamaallaat tunniunneqarsinnaavoq.

§ 39 c. Nalunaartartoq inatsit malillugu atuutilersitanik malittarisassanik imaluunniit inatsimmik imaluunniit allagartaqarnissamut piumasagaatinik ingasattumik imaluunniit uteqqiattumik unioq-qutitsippat allagartaq utertinneqarsinnaavoq (arsaarinnissutigineqarsinnaavoq). Taamatuttaaq, nalunaartartup suliffeqarfimmik isumannaatsumik ingerlatsisinnaanissaa immikkut ittumik peqquteqartumik naatsorsuutigineqarsinnaanngippat, tamanna atuuppoq.

Imm. 2. Allagartamik piginnittup § 39 b, imm. 2-mi eqqaaneqartoq akuersissut imaluunniit allagartaqartunngorneq pillugu piumasagaat naammassinngippagu, § 39, b, imm. 3-mi eqqaaneqartoq allagartaqarnissamut tunngaviusoq peerpat, imaluunniit allagartamik pigisaqartup § 39 b, imm. 5-imi eqqaaneqartoq qularnaveeqqusiinissaq pillugu piumasagaat naammassinngippagu allagartaq utertinneqassaaq.

Imm. 3. Nalunaartartoq toquppat, kunngip peqqussutaagut Kalaallit Nunaanut atuutilersinneqartukkut nammineersinnaatitaanermik inatsimmi § 28 malillugu nakkutigineqartariaqarnermik pisariaqartitsileraanni, imaluunniit kunngip peqqussutaagut Kalaallit Nunaanut atuutilersinneqartukkut nammineersinnaatitaanermik inatsimmi § 53 malillugu ikiortariaqarnermik pisariaqartitsileraanni, akiliisinnaajunnaarnermik nalunaaruteqarsimagaanni imaluunniit akiliisinaajunnaaqqajaagaanni allagartaq atorunnaassaaq.«

34. § 39 d imatut allanneqarpoq:

»§ **39 d.** Umiarsuarmut aalajangersimasumut piginnaatitaaffik pillugu nalunaarutiginninnissamut imaluunniit atuinissamut piginnaatitaasoq, nalunaarsuinissamut piginnaatitaaffik pineqartoq pillugu

allakkanik atuutilersitsinissamut nalunaarutiginninnissamullu pisinnaatitsissut, ilaatillugit umiarsuaq pillugu nalunaarutit, inummut allamut tunniussinnaavaa. Pisinnaatitsissut umiarsuit nalunaarsuiviannut qarasaasiakkut imaluunniit pappialangorlugu nassiunneqassaaq. Pineqartoq atuisinnaanermut piginnaatitaalersinnagu pisinnaatitsissut nassiunneqarsinnaavoq.

Imm. 2. Pisinnaatitaaffik (fuldmagten) tunngavigalugu nalunaarsuinissamut nalunaarutigineqartoq allagaq tiguneqartinnagu pisinnaatitaaffik nalunaarsorneqarsimangippat, pisinnaatitaaffiup nassiunnissaanut ullunik 7-nnik sivisussusilimmik piffissarititamik umiarsuarnik nalunaarsuivik pisinnaatitaaffimmik pigisaqartumut tunniussissaaq.

Imm. 3. Umiarsuarnik nalunaarsuivimmut nassiunneqartussat pisinnaatitaaffiit imarisassai aamma ilusilersornissai pillugit, ilaatillugit pisinnaatitaaffimmik tunniussisup aamma pisinnaatitaaffimmik pigisaqartup inuup- imaluunniit suliffeqarfiup normuanik paasissutissanik pisinnaatitaaffiup imaqarnissaa pillugit, aamma pappialangorlugit pisinnaatitsissutit ima pilersitaasimasussaaneri qarasaasiamik atuarneqarsinnaassallutik, kiisalu pisinnaatitaaffiit atuuttuuffiisa sivisunerpaaffii pillugit Søfartsstyrelsen-i maleruagassanik aalajangersaasinnaavoq. Aammattaaq piginnaatitaaffimmik pineqartumik nalunaarsuivik malillugu aalajangiisuusinnaatitaanermut piginnaatitaasumut imm. 1-i malillugu nalunaarsuineranut atatillugu umiarsuit nalunaarsuiviat nalunaarummik nassiussisarnissaa pillugu aamma imm. 2-mi piumasaqarnikkut piffissarititamik sivitsuinissamik umiarsuit nalunaarsuiviata periarfissaa pillugu Søfartsstyrelsen-i maleruagassanik aalajangersaasinnaavoq.«

35. §§ 41-mut aamma 42-mut qulequtaq atorunnaarsinneqarpoq, taarsiullugulu ikkunneqarluni:

»Kapitali 2 c

Akerlileeqqiutaasinnaasunut mattussinerit, ingerlatitseqqiinissamut periarfissat il.il.«

36. § 42-p kingorna qulequtaq peerneqarpoq.

37. § 43 ima allanneqarpoq:

»§ 43. Manna inatsit naapertorlugu umiarsuarnik nalunaarsuisartup aalajangiineri, kimilluunniit eqqartuussisutigut tamatumunnga soqutigisalimmit suliassiissutigineqarsinnaavoq, makkununnga 1) umiarsuup piginnittua umiarsuaatileqatigiiffik Danmark-imi angerlarsimaffeqarpat, umiarsuaatileqatigiiffiup angerlarsimaffiani landsretskreds-imi landsretsimut, imaluunniit,

2) umiarsuarmik piginnittoq umiarsuaatileqatigiiffik Danmark-ip avataani angerlarsimaffeqarpat, Østre Landsretsimut.

Imm. 2. Pineqartumut aalajangiinerup nalunaarutigineqarneraniit ullunik 14-inik piffissaritap iluani landsretsimut pineqartumut aalajangiineq suliassiissutigineqassaaq. Taamaattoq landsreti, qinnuteqaat tunniunneqarpat piffissap tamatuma kingorna qaammatit arfinillit qaangiutsinnagit, aamma pissutsit tamatumunnga tulluarpata, umiarsuarnik nalunaarsuisartup aalajangiinerata eqqartuussisulersuunnissaanut akuersisinnaavoq. Akuersissut nalunaarutigineqarpat, ullut 14-inngortinnagit suliassiissutigineqassaaq. Landsretsimi suliassiissutigineqarnerani aamma suliari-neqarnerani, sakkukilliliinerit pisariaqartut ilaatillugit, innuttaasut ingerlatitseqqiisarneri pillugit suliani maleruagassat atuuttut taamatuttaaq atuupput.

Imm. 3. Imm. 1-i aamma imm. 2, 1. aamma 2. imm. malillugit Landsretsip aalajangiinera ingerlateqqinneqarsinnaanngilaq. Taamaattoq ingerlatitseqqiineq apeqqutinut tunngaviusunut attuumassuteqarpat Eqqartuussivimmi suliap eqqartuussivimmut qulliunerusumut ingerlatseq-qinneqarnissaanik akuersissutinut aalajangiisartut, aalajangiinerit eqqaaneqartut ingerlateq-qinnissaannut akuersissummik tunisisinnaapput.«

38. § 45, imm. 1-imi, »ulloq nalunaarutiginniffiusoq« allanngortinneqarpoq imaalillugu: »piffissaq nalunaarutiginniffiusoq«.

39. § 46-mi imm. 3-tut ikkunneqarpoq:

» *Imm. 3. § 46 c* naapertorlugu qarasaasiakkut atsiornermik atornerluinerup kingunerisaanik imm. 1-i naapertorlugu nunap karsianiit taarsiisoqarsimappat, isumannaallisaanermut piumasaqaatit allagartap atuutilersinneqarnerani misissorsimanngippagit, naalagaaffik akiliutigisimasanik, allagartamik pigisaqartumiit utertitseqqusisinnaavoq. Pisuni allani akiliutigisimasanik utertit-seqqusineq pillugu qallunaat eqqartuussisaasianni maleruagassat nalinginnaasut atuupput.«

40. § 46-p kingorna ikkunneqarpoq:

»Kapitali 2 d

Qarasaasiakkut umiarsuarnik nalunaarsuineq

§ 46 a. Umiarsuit nalunaarsuivianni nalunaarsorneqarsinnaaniassammata umiarsuarmik pant-iliisut pantebrev-it isumaqatigiinniutigineqarsinnaasut, qarasaasiakkut atuutilersinneqartarnissaat pillugit Søfartsstyrelsen-i maleruagassanik aalajangersaasinnaavoq.

Imm. 2. Kunngip peqqussutaagut Kalaallit Nunaannut atuutilersukkut, akiitsut allagartaat pillugit inatsimmi kapitali II-mi aalajangersakkat, § 11, imm. 2 minillugu, umiarsuarmik pant-ilinnut qarasaasiamiittunut akiitsunut allagartanut isumaqatigiinniutigineqarsinnaasunut nalunaarsukkanut atuutinngillat, taamaattoq tak. § 37 a.

§ 46 b. Nalunaarsuinermit nalunaarutigineqartut allakkat § 46 a-mi eqqaaneqartunit allaasut, aammalu allakkat allat umiarsuarnik nalunaarsuivimmiit imaluunniit nalunaarsuivimmut nassiunneqartut, qarasaasiakkoortuunissaat pillugit Søfartsstyrelsen-i maleruagassanik aalajangersaasinnaavoq.

Imm. 2. Umiarsuarnik pant-iliisunut qarasaasiamiittunut akiitsut allagartaannut oqaatsinik makkuninnga »ikke til ordre« (»isumaqatigiinniutigineqarsinnaanngitsut allamullu tunniunneqarsinnaanngitsut« (nutserisumit)) ilasiffiusimasunut imaluunniit assingusumik apeqqutaatiffiusunut nalunaarsukkanut, aammalu akiitsunut allagartanut isumaqatigiinniutigineqarsinnaanngitsunut allamullu tunniunneqarsinnaanngitsunut nalunaarsukkanut qarasaasiamiittunut Kunngip peqqussutaagut Kalaallit Nunaannut atuutilersukkut, akiitsut allagartaat pillugit inatsimmi kapitali III-mi aalajangersakkat, atuupput, taamaattoq tak. imm. 3.

Imm. 3. Umiarsuarmik pant-ilinnik akiitsunut allagartanik qarasaasiamiittunik tunniussinermi kunngip peqqussutaagut Kalaallit Nunaannut atuutilersukkut akiitsut allagartaat pillugit inatsimmi § 31, imm. 1-4-mi maleruagassat atuutinngillat.«

41. § 46 d-p kingorna kapitali 3 sioqqullugu ikkunneqarpoq:

»Ejerpantebrev-inik allanngortitsineq

§ 46 e. Ejerpantebrev-inik allanngortitsineq pillugu, ilaatillugit Kalaallit Nunaannut atuutilersinneqartoq akiitsut allagartaat pillugit inatsimmi maleruagassat malillugit isumaqatigiissutinut imaluunniit eqqartuussisulersuussinernut illersugaanermik angusaqarsimasut ejerpantebrev-it nalunaarsukkat piginnaatitaaffiini illersugaaneq pigiinnarniarlugu ukiunik tallimanik piffissaliussaq qaangiutsinnagu nalunaarsugaanissaannut maleruagassat pillugit Søfartsstyrelsen-i maleruagassanik aalajangersaasinnaavoq.«

42. § 47-p siornani kapitalip qulequtaani »Kapitali 3« allanngortinneqarpoq: »Kapitel 2 e«-nngorlugu.

43. § 50 a-p kingorna qulequtaq imatut allanneqarpoq:

»Kapitali 3

Imaatigut pant-inut piginnaatitaaffiit aamma umiarsuarmik piginnaatitaaffiit allat«.

44. § 51, imm. 1, nr. 2, imatut allanneqarpoq:

»2) Umiarsualivinnut akitsuutitut, ikerasannut- aamma imaatigut aqquutitut akitsuutitut allanut aamma ilisimasortanut akitsuutitut pisortat piginnaatitaaffii aamma namminersortut piginnaatitaaffii.«

§ 2

Inatsisikkut nr. 104, 3. Marts 1965-imeersukkut Kalaallit Nunaannut atuutilersinneqartumi, pappialanik nalilinnik atortussaajunnaarsitsinermut inatsimmi, tulliuttut allannguutit suliarineqarput:

1. § 9, imm. 2-mi, 3. imm. -p kingorna nutaatut naggatitut ikkunneqarpoq:

» Pantebrevi nalunaarsugaq taamaallaat pantebrev-itut qarasaasiakkut atuutilersinneqartussatut piumasarineqarsinnaavoq. «

§ 3

Imm. 1. Peqqussut atuutilerpoq ulloq [qarasaasiakkut umiarsuarnik nalunaarsuinerup atuutilernerata ullua], taamaattoq tak. imm. 2.

Imm. 2. § 1, nr. 33-p piffissaq atuutilerfissaa, kunngip peqqussutaatigut aalajangerneqassaaq.

§ 4

Imm. 1. Eqqartuussivikkoortumik nalunaarsuinerup akitsuutit pillugit inatsimmut aamma umiartorneq pillugu inatsimmik allannguneq pillugu inatsimmi nr. 1548, 19. december 2017-imeersumi § 5, imm. 3-mut ilaatinneqanngitsut Kalaallit Nunaanni angerlarsimaffillit sunngiffimmi angallatit, minnerpaamik 5-nik, 20-llu ataallugit bruttotonnage-llit, ulloq [peqqussutip atuutilernerata ullua] pant-imik, atuinissamut piginnaatitaaffinnik imaluunniit allanik piginnaatitaaffinnik nalunaarsuisoqarsimanngippat, ullup tamatuma kingorna umiarsuarnik nalunaarsuivimmiit piarneqassaaq.

Imm. 2. Sunngiffimmi angallammi, minnerpaamik 5-nik, 20-llu ataallugit bruttotonnage-limmi, pant-imik, atuinissamut piginnaatitaaffinnik imaluunniit allanik piginnaatitaaffinnik nalunaarsuisoqarsimappat, tamanna ullup matuma [peqqussutip atuutilernerata ullua] kingorna angallammi piginnaatitaaffinnut pioreersunut allannguutinik imaluunniit piginnaatitaaffinnik nutaanik nalunaarsuisoqarsinnaanngitsoq umiarsuarnik nalunaarsuivimmi allanneqassaaq. Taamaattoq piiannerit, akiligassaqarfigisamik allannguinerit nalunaarutit, pissutsit allat nalunaarsukkatut piginnittup aalajangiisutut piginnaatitaaffiik killiliisut, aamma pisortani imaluunniit inuinnarni kingorgussassat imaluunniit akiliisinnaajunnaarnej pillugu paasissutissat aamma eqqartuussisunit nalunaarutit tigusinerit pillugit aalajangersakkamik allannguinerit nalunaarsorneqarsinnaapput.

Imm. 3. Allamut angallat tunniunneqarsimasoq ullup [peqqussutip atuutilernerata ullua] kingorna angallammik piginnittup nalunaarutigippagu, nalunaarsukkatut piginnittoq angallammut atuisinnaanermut piginnaatitaajunnaartoq, umiarsuit nalunaarsuiviannut allanneqassaaq.

Imm. 4. Umiarsuit nalunaarsuiviannut nalunaarutigineqarpat, umiarsuaq inuussutissarsiornermut tunngatillugu atorneqassasoq, tamanna umiarsuarnut nalunaarsuivimmut allatsinneq pillugu nalunaarnermut naligiisinneqassaaq. Piginnaatitaaffiit nalunaarsuineq sioqqullugu pilersinneqartut, tamatumunnga maleruagassat atuuttut misissorneqarsimappata, peqataasut avataaniittumut atuuttuunertik attatiinnassavaat.